

道於小銖，伏願鴻慈，廻照鑒臣血誠，仰雲霄以兢惕，流汗臨淵谷以累表抗聞，臣諱誠惶誠恐頓首頓首謹言。

〔管家文章〕太上天皇贈答天子文

奉清和院太上皇勅重請減封戶狀

今月十七日來狀丁寧，不忍半折封戶，追尋宿念，澄審本謀，不以用足為情，將以靜心為樂，况一畦一畝，未必旅生，自寸自分，皆出機杼，國用倍多於昔日，民勞緊急於當時，雖有成章，豈無權議，夫竹窓之曉，水閣之暮，閑送春秋，遠翫風月，取諸一身之事，叢爾千戶之資，容量以莫為相累耳。

元慶三年二月二十六日

〔三代實錄三十五陽成〕元慶三年二月廿九日己丑，天皇遣參議正四位下行左大辨兼左近衛中將近江權

守源朝臣舒於清和院，奉表曰：臣諱言，伏奉今月廿六日勅，重降宸命，減封邑，仰天嚴而跼躄，宜日慎而奉承，唯國家之事，既貴盡于芻蕘，豈得嫌其抗農，况臣子之誠，苟云補於蒂芥，則安顧其童昧，臣諱謝中臣

旁詢下議，上驗前修，姑射岫深，猶具紫微之羽衛，櫟陽宮靜，無闕黼辰之聲明，蓋萬乘之尊，彌弘衆星之拱，何息而先謙，攸貴省減過多，僅置二千戶之貢輸，以換億兆民之供奉，此之為資用，曾不充錙銖，今亦

半之，何其甚矣，况復群下之俸邑，尚有二三千戶者，陛下若貶具々〇具々、類聚國史作吳口之至極，割湯沐之半分，則彼食菜之卿，昨第之子，措手足而無地，享膏腴而敢甘，不只乖逆衆心，實慮虧損大體，苟聞其不可，而

嘿以從之，則謂天下何遺後代，何不任屏營怵惕之至，敢拜表翹抗以聞，太上天皇遂固讓不受，五月廿日己酉，勅令大和國進米百斛於清和院，奉充太上天皇頭陀山中之費。

〔三代實錄三十七陽成〕元慶四年二月廿五日己酉，百姓口分田并墾田九町二百九十步，在山城國愛宕郡，

貞觀十九年有勅，奉充清和院今太上天皇勅歸於公家，仍返給本戶。

〔三代實錄四十四陽成〕元慶八年二月四日乙未，會文武百官於院南門，詔曰：現神止大八洲御宇日本根子